



Steen Lyngé  
Inatsisartunut ilaasortaq, Demokraatit

**Radiukkut tv-kkullu aallakaatitsisarneq pillugu Inatsit pillugit § 37  
naapertorlugu apeqqummut nr. 49/2020 akissut**

10-03-2019  
Suliap nr.  
All. nr: 10941081

Postboks 1029  
3900 Nuuk  
Oqarasuaat +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Steen Lyngé,

Inatsisartut suleriaasiat malillugu apeqqutigisimasannut qujanaq. Taakku uani ataani akissuteqarfigissavakka.

**Apeqqu 1: KNR-ip tamanik sullissinissamik pisussaaffianut sinneruttunut aningaasatigut, inatsisitigut allaffissornikkullu qanoq kinguneqassava Radiukkut tv-kkullu Inatsimmi §48, imm 6 atorunnaarsinneqassappat, pisussaaffinnillu allanik taarserneqarnani?**

**Akissut:** Apeqqu apeqqutillu taakku allat marluk KNR-imut saqqummiunneqarput. KNR-ip tassunga atatillugu akissutaani allassimavoq, innuttaasunut kiffartuussinissamut pisussaaffii allat aningaasaqarnikkut, inatsiseqarnikkut allaffissornikkullu kinguneqassanngitsut. Allassimasut innuttaasunut kiffartuussinissamut pisussaaffiit maleruagassanut maanna atuuttunut aalajangersarneqarsimaneranut atatillugit paasineqassapput, taakkulu maleruagassat malillugit aningaasaliisartut suliffeqarfiup nutaarsiassiorneranut atuunneranullu sunniteqarsinnaanngillat.

**Apeqqu 2: KNR-ip tamanik sullissinissamik pisussaaffianut sinneruttunut aningaasatigut, inatsisitigut allaffissornikkullu qanoq kinguneqassava Radiukkut tv-kkullu Inatsimmi §48, imm 6 atorunnaarsinneqassappat, taamaattorli KNR pisussaataasalissappat aningaasalersorneqarsimasumik aallakaatitassiamik nutaarsiassalerisumik imaluunniit aallakaatitassiamik soqutiginarumik aallakaatitsinnginnermi aningaasaliissutaasimasut aningaasaliisimasorlu nalunaarutigisalissappagu?**

**Akissut:** KNR ilisimatitsivoq tamanna aningaasaqarnikkut, inatsiseqarnikkut allaffissornikkullu kinguneqassangatinneqanngitsoq, taamaakkaluortoq apeqqut 3-mut akissut takuuk.

**Apeqquut 3: Qulaani inatsit eqqaaneqartoq apeqquutit 1-imi 2-milu taaneqartut atorunnaarsinneqassappat Naalakkersuisut kingunernik allanik soqutiginaatilinnik paasissutissiisnaappat?**

**Akissut:** KNR ilisimatitsivoq KNR maleruagassat malillugit KNR-ip akilersugarinngisaanik tusagassiortutut angalanernut peqataasoqarsinnaanngitsoq, kiisalu KNR-ip KNR-imi Qanoruumi tusagassiisartut atisassaannut aningaasaliititsinnaanngitsoq, taakkulu ukiumut 50.000 kr.-it missaanik akeqartarlutik. Tusagassiortutut angalanernut atatillugu aatsitassarsiornermut ingerlatseqatigiiffiup Qeqertarsuup eqqaanut rubinisorfimmut angalatitsineranut tunngasinnaavoq, taamatuttaaq soorlu USA-p akiligaanik Pituffimmut tusagassiortutut angalaneq, USA-p akiligaanik Danmarkimi Amerikamiut sinniisoqarfiannut tusagassiortutut angalaneq imaluunniit nunatsinni politikeriit angalanerannut qaaqqsinerit. Maleruagassat atuuttut imaapput, KNR suliffeqarfiup aningaasaatai aallaavigalugit taamatut angalanissamut nalilersuisariaqartarpoq. KNR-ip oqaatigaa, taamatut angalanerit ukiumut angalanerit 1-3 missaanniittartut ukiumullu 50-iniit 75.000-inut akeqarsinnaasarlutik.

KNR-ip taassuma saniatigut oqaatigaa, suliffeqarfiup tusagassiaq tamakkiisumik ilaannakortumilluunniit aningaasalersugaq radiokkut, tv-kkut nittartakkatigulluunniit nutaarsiassiissutigisinnaanngilaa.

Naalakkersuisut KNR-ip ilisimatitsissutai aallaavigalugit naatsorsuutigaa, aalajangersagaq atorunnaarsinneqarpat unamminartut taaneqartut atuukkunnaassasut.

Naalakkersuisut massuma saniatigut pingaartippaat sammineqartoq aalajangersakkap aallaavianut saatinneqassasoq. Taamaattumik § 48, imm. 6-imut nassuiaatini allassimavoq nutaarsiassanik maannakkorpiarlu pisunik aallakaatitassiat aningaasalersoqqusaannginnerannut tunngavisoq aallakaatitassioriaatsit taakku immikkut pingaaruteqarmata kiffaanngissuseqarnerat apeqquuserneqarsinnaasariaqarani, taamalu nutaarsiassalerinerup uppernassusia. Tamanna KNR-ip assersuutigalugu suliffeqarfiit, kattuffiit, ingerlatsiviit allalu nutaarsiassiineranut aningaasaleeqataasimasut ajortumik oqallisigalugit nutaarsiassiineranut atatillugu pissusissamisuumngitsumik iliuuseqartut isorineqarsinnaaneraniq pissuteqarpoq. Soorlu tamanut inatsisini akulerussinnaatitaaneranut pissutsit aallaavigalugit suliffeqarfiup sunnerneqarsinnaannginnerata apeqquuserneqarnissaata isorineqarnissaanut tunngavissaqartoq. Isorinnissinnaanermi imaanngilaq tapiissuteqartup nutaarsiassiutigineqarnerani ajortumik oqallisigineqarnissaa tunngavissaqalissasoq.

Taamaammat aalajangersagaq KNR pisortani tusagassiivittut namminersortutut illersorneqarnissaanik kiisalu suliffeqarfiup suliatigut, kinaassusersiumngitsut uppernartuunissamullu tatiginassusaannik innarlitsaaliiniarnertut Inatsisartut kissaateqarsimanerattut isigineqartariaqarpoq Tamannalu aallaavigalugu aalajangersakkap atuukkunnaarnerata kingunerisaanik inatsimmit peerneqassasoq.

Naggataatigut oqaatigineqassaaq aningaasaliisarnermut maleruagassat Radiokkut tv-kkullu aallakaatitsisarneq pillugu Inatsit siunissami nutarterneqarnissaanut atatillugu eqqarsaatigineqarnissaat naatsorsuutigineqartoq.

Inussiarnersumik Inuulluaqqusillunga

  
Ane Lone Bagger